

春  
秋  
條  
貫  
篇

西河合集

蕭山毛奇齡

字秋晴稿  
又初晴稿

文輝克有  
遠宗姬黃峻

春秋條貫篇十

昭公

元年 春王正月公即位

叔孫豹會晉趙武楚公子圍齊國弱宋向戌衛齊惡  
陳公子招蔡公孫歸生鄭罕虎許人曹人于訖

前襄二十七年宋向戌爲宋之盟弭晉楚兵爭從  
此搜伐之師藉以稍息此夫子所深予者今諸國

大夫復尋盟以固之其盟鄭地者以前兵爭之多  
在鄭也詳見前爭鄭條

晉取莒邑三月取邾一費

前襄公年莒屢伐魯而不報今因其國有弑逆之  
變遂乘亂伐莒而取其邑

叔弓帥師疆邾田

且爲疆之

五年夏莒牟夷以牟婁及防茲來奔

乃莒大夫不知何故又來奔魯受其邑

戊辰叔弓帥師敗莒師于蚡泉

莒人愬于晉許其來討而不果也莒遂自來討而我又敗之

六年夏季孫宿如晉

于是季孫往晉謝以晉之不爲莒興師也

十年秋七月季孫意如叔弓仲孫矜帥師伐莒乃相距四年不知何故魯出三帥以伐莒而策書又未詳也但云取郟且獻俘時用莒人以祭亳社則無道矣

十三年秋公會劉子晉侯齊侯宋公衛侯鄭伯曹伯莒子邾子滕子薛伯杞伯小邾子于平丘

又越三年晉會平丘時莒告于會值晉平作虜祁宮成假兵力以脅諸侯之際

閏八月甲戌同盟于平丘

閏公不與盟

遂斥公不許與盟

閏晉人執季孫意如以歸

且執季孫

閏公至自會

而公自歸焉

閏公如晉至河乃復

乃復以季孫在晉。仍如晉而晉拒之。無禮如此。  
十四年春。意如至自晉。

于是子服湫說中行氏。責以禮。使之放歸。乃還。

元年夏。秦伯之弟鍼出奔晉。

秦景之弟以富  
權得罪故出奔

六月丁巳。邾子華卒。

晉荀吳帥師。敗狄于大鹵。

秋。莒去疾自齊入于莒。莒展輿出奔吳。

莒去疾與展輿爭立。而展輿弑君去疾。已奔齊矣。  
至是齊納去疾爲莒君。而展輿出奔。

莒邾悼公

楚冬十有一月己酉楚子麇卒二條一貫

楚子麇康王子邲敖也康王之弟公子圍弑邲敖

自立是爲靈王

君楚公子比出奔晉亦康王弟

二年春晉侯使韓起來聘昭新也夏叔弓如晉報聘

秋鄭殺其大夫公孫黑以爲亂見殺

冬公如晉至河乃復季孫宿如晉

晉平公少姜卒公親往弔而晉辭之使卿弔焉

三年春王正月丁未滕子原卒

夏叔弓如滕五月葬滕成公秋小邾子來朝

八月大雩 冬大雨雹

北燕

出奔 北燕伯欵出奔齊

四條一貫

燕簡公欲去諸大夫而立其嬖人太夫亂遂奔齊

北燕 六年齊侯伐北燕

齊景帥師以納之不克

北燕 七年春王正月既齊平

平之而還

北燕 十二年春高偃帥師納北燕伯于陽

越五年齊又遣大夫納之不克乃納之別邑而還

四年 春王正月大雨雹

春秋條貫篇



楚靈會諸侯

夏楚子蔡侯陳侯鄭伯許男徐子滕子頓子

胡子沈子小邾子宋世子佐淮夷會于申

思起霸也

楚人執徐子

以武吳也

冬十有二月乙卯叔孫豹卒

五年

春王正月舍中軍

楚殺其大夫屈申

以武吳也

公如晉

晉朝

秋七月公至自晉

秦伯卒

六年春王正月杞益姑卒

葬秦景公 葬杞文公

宋華合出奔衛

策書有誤

秋九月大雩 冬叔弓如楚

楚名三月公如楚

楚靈作章華之臺名公落之

魯九月公至自楚

叔孫舍如齊蒞盟

策書闕

夏四月甲辰朔日有食之 秋八月戊辰衛侯惡卒

冬十有一月癸未季孫宿卒

十有二月癸亥葬衛襄公

楚滅復陳八年春陳侯之弟招殺陳世子偃師

賈

蔡始末

條十五

陳哀公愛公子留使弟公子招公子過立留而殺其世子偃師

蔡夏四月陳侯溺卒

既而悔之乃自縊焉

蔡楚人執陳行人于徵師殺之于姓徵師名

陳遣行人赴于楚楚靈王殺之

蔡陳公子留出奔鄭

子留出奔

蔡陳人殺其大夫公子過

公子招乃歸罪于公子過陳人討賊已殺過矣

陳冬十月壬午楚師滅陳執陳公子招放之於越殺

陳孔奐

楚靈使公子乘疾奉蔡世子之子吳圍陳而滅之  
改爲縣使楚大夫穿封戌爲縣公放公子招殺招  
黨而換吳以歸

陳蔡靈侯公

是時陳君無葬者有與人袁克葬之而陳已滅焉  
陳十一年夏四月丁巳楚子虔誘蔡侯般殺之于申  
乃復欲滅蔡召蔡靈侯殺之并殺其從者七十人  
楚公子乘疾帥師圍蔡

仍使公子棄疾圍蔡

陳蔡

秋季孫意如會晉韓起齊國弱宋華亥衛北宮佗

鄭罕虎曹人杞人于厥慙

晉雖謀救之實未救也

蔡頌

冬十有一月丁酉楚師滅蔡執蔡世子有以歸用

之

楚遂滅蔡改爲縣卽以其弟棄疾爲縣公俘蔡世

子有而用于岡山無道極矣

陳蔡

十三年夏四月楚公子比自晉歸于楚弑其君虔

于乾谿

于是蔡大夫朝吳并蔡洧觀從韋乘楚靈在乾谿諸族作亂乃密召公子比于晉尊爲王齊棄疾同盟以陳蔡復讎爲名殺楚靈諸子而迎擊楚師于訾梁楚師大潰靈乃自縊及還郢

陳蔡楚公子棄疾殺公子比

而棄疾又殺公子比自立是爲平王封陳蔡還所收邑

陳蔡蔡侯廬歸于蔡陳侯吳歸于陳

于是蔡世子有之子廬陳世子偃師之子吳皆各歸其國而陳蔡復焉

陳蔡冬十月葬蔡靈公

然而蔡靈之不葬已三年矣。楚惡如此。

八年 叔弓如晉賀虢神宮成也 秋蒐于紅 大雩

九年 叔弓會楚子于陳楚靈滅陳會于師

許遷于夷楚遷之也 夏四月陳災

秋仲孫矍如齊 冬築郎囿

十年 春王正月 夏齊樂施來奔爲陳鮑氏所逐

戊子晉侯彪卒 九月叔孫舍如晉葬晉平公

十有二月甲子宋公成卒

十有一年 春王二月叔弓如宋葬宋平公

五月甲申夫人歸氏薨

大蒐于比蒲

仲孫纘會邾子盟于祿禚

九月己亥葬我小君齊歸

十有二年三月壬申鄭伯嘉卒

夏宋公使華定來聘

宋元新立

公如晉至河乃復

朝晉而晉拒之以莒怨也

五月葬鄭簡公楚殺其大夫成熊

不詳

秋七月

魯公子出奔

冬十月公子慙出奔齊

二條一貫

費宰南蒯謀逐季平子而歸室于公子慙慙初從



之既而南蒯叛愬懼奔齊

奔十三年春叔弓帥師圍費

及圍費而南氏家臣劫南氏請出蒯亦奔齊

十二年楚子伐徐以懼晉伐鮮虞白狄

十有三年

晉昭會秋公會劉子晉侯齊侯宋公衛侯鄭伯曹伯

莒子邾子滕子薛伯杞伯小邾子于平丘見魯取莒邑條下同

二條

晉平作虎祁宮以會諸侯多貳心焉晉昭乃用叔向謀以甲車四千乘假兵威以會諸侯晉霸衰矣

音 昭 八月甲戌同盟于平丘

十有四年三月曹伯滕卒 夏四月

秋葬曹武公

音 莊 八月莒子去疾卒 冬莒殺其公子意恢

五條一貫

齊殺公子意恢而迎莒子之弟庚與立之

音 莊 十九年秋齊高饒帥師伐莒

當邲郊公時庚與在齊及復國後庚與恃晉而不事齊齊遣大夫伐之而庚與未服也

音 君 莒 二十二年春齊侯伐莒

至齊侯親伐而莒子反敗齊師于是莒人恐

莒君

二十三年秋七月莒子庚輿來奔

乘庚輿好殺而逐之齊復納郊公庚輿遂來奔焉

十有五年春王正月吳子夷末卒

二月癸酉有事于武宮籥入叔弓卒去樂卒事

叔弓以涖祭死故去樂以卹之

夏蔡朝吳出奔鄭

蔡朝吳能恢復其國春秋之賢者也楚大夫費無

極疾之曰吳在蔡非楚之利遂奔鄭

六月丁巳朔日有食之秋晉荀吳帥師伐鮮虞

冬公如晉

十有六年 春齊侯伐徐 楚子誘戎蠻子殺之

夏公至自晉 秋八月己亥晉侯夷卒 九月大雩

季孫意如如晉 送 冬十月葬晉昭公

十有七年 春小邾子來朝

夏六月甲戌日有食之 秋邾子來朝

晉滅 八月晉荀吳帥師滅陸渾之戎

冬有星孛于大辰

十有八年 春王正月曹伯須卒

夏五月壬午宋衛陳鄭災 六月邾人入郟

秋葬曹平公

許遷于白羽

楚遷之也

十有九年

春宋公伐邾

報入邾也

許弒君

夏五月戊辰許世子止弒其君買

自爲藥進之卒

己卯地震

冬葬許悼公

二十年

春王正月

夏曹公孫會自鄆出奔宋

策書闕

秋盜殺衛侯之兄縶

以齊豹北宮喜褚師圍稱亂見殺

宋華向之亂

冬十月宋華亥向寧華定出奔陳

三條一貫

宋元公欲逐華向二氏華向謀先發不得乃出奔

向華 二十一年宋華亥向寧華定自陳入于宋南里以  
叛

既而華疆之臣張句名華向還宋以南里叛

向華 二十二年宋華亥向寧華定自宋南里出奔楚

而華登又以吳師來助華氏宋厨大夫濮與齊師  
之戍宋者先敗吳師未幾元公弟公子成又請齊  
晉曹衛諸師並救之遂殺張句大敗華氏于南里  
而華氏向氏並奔楚焉

二十一年十一月蔡侯廬卒

二十二年春王三月葬蔡平公

夏晉侯使士鞅來聘

晉頃  
新立

秋七月壬午朔日有食之 六月乙亥叔鞮卒

叔弓

蔡君  
出奔冬蔡侯朱出奔楚

蔡平侯卒其子朱立楚費無極取賂于平侯之弟  
東國駕言楚子令去朱而立東國朱愬于楚楚子  
討無極無極謂朱懷二心是以立東國而楚子從  
之

公如晉至河乃復

公朝新君而  
晉又拒之

二十有二年 大蒐于昌間

夏四月乙丑天王崩 六月叔鞅如京師 葬景王

王 亂

王室亂

劉子單子以王猛居于皇

八條

景王太子壽卒悼王猛當立而王子朝爭之劉文公益與單穆公旗同輔猛而居于皇且告晉焉

王

秋劉子單子以王猛入于王城

單子乃盟百官于平王之廟子朝使鄆臍伐皇而劉子敗之晉乃遣籍談荀躒帥師從劉子單子納悼王于王城時子朝居前城復敗王師

王

秋十月王子猛卒

而悼王已卒乃立王母弟子匄是爲敬王

王

二十三年晉人圍郊



晉侯仍遣人討朝而圍其邑書曰晉人不親至也

室王天王居于狄泉尹氏立王子朝

朝乃入尹氏邑劉子單子以討尹致敗周諸卿士  
多戍尹者朝遂入王城而王居狄泉

二十五年夏叔詣會晉趙鞅宋樂大心衛北宮喜  
鄭游吉曹人邾人滕人薛人小邾人于黃父

晉不惟不終討且天王蒙塵者越二年而爲伯主  
者並不勤王不諸侯不身蒞盟會而躬親師旅  
泄泄然第集列國大夫名曰謀王室而實無所謀  
也

冬十月天王入于成周

又越一年天王蒙塵三年矣且歷次諸邑無有寧居晉不得已始遣知躒趙鞅納王會朝黨名伯盈反正陰忌亦叛遂迎王于虜入成周而盟于襄王之廟子朝奔楚晉師乃使成公般戍成周而還經不書晉入不于晉也

三十二年冬仲孫何忌會晉韓不信齊高張宋仲幾衛世叔申鄭國參曹人莒人薛人杞人小邾人城成周

乃越八年天王尚居成周以朝黨踞王城未敢歸

也。天王乃使卿士如晉，致天王之命，乞合諸侯城。成周以爲國都，而晉猶難之。范鞅曰：與其戍周，不如城之。且天子實云：雖有後事，晉勿與知可也。吾他事勿應可耳。始合諸侯以城之，當是時，魏舒南面而蒞事，如周君焉。

二十二年十有二月癸酉朔日有食之。

晉人執我行人叔孫舍 春王正月叔孫舍如晉。四條一貫

晉人執我行人叔孫舍

邾人城翼，不假道于魯，而魯人遮伐之。邾子愬于晉，晉執我行人叔孫舍，使與邾坐訟。叔孫不坐，韓

起將以叔孫與邾人叔孫立于朝不聽行乃拘叔孫與介子服回各歸一館者又一年又不屈

我執

冬公如晉至河有疾乃復

公不得已將親往乞釋而有疾而返

我執

二十四年叔孫舍至自晉

晉始慙而以禮遣之嗟乎春秋魯史也其所載者無非晉君臣凌我虐我之事即策書所誇春秋賢大夫如叔向趙鞅韓起輩亦無不役使我如臣僕蹴蹋我若禽獮而謂魯人作史皆當尊晉室而崇伯玉則凡稍有人心者必不忍作是語矣故春秋

一經不特公穀二書可以不問卽左氏竊他策書以傳魯史諸所記文襄悼平前後典霸以及狐趙欒郤中行隨范諸族嘉言顯績赫赫千古在經文筆削而日始豁然其見不必與三傳諸家相對夢寐何其快與

二十三年夏六月蔡侯東國卒于楚

以事至楚而卒

八月乙未地震

二十有四年

春王二月丙戌仲孫貜卒

孟僖子

夏五月乙未朔日有食之

秋八月大雩

丁酉杞伯御薨卒 葬杞平公

二十有五年 春叔孫舍如宋

有鸛鶴來巢公出 秋七月上辛大雩季辛又雩

魯昭公出 奔始末 九月己亥公孫于齊次于揚州條二十三貫

季族與邠氏滅孫氏皆怨季孫藉昭公之公子務人告公謀去之公以語于家羈羈執不可公不聽遂伐季氏既而叔孫孟孫救并至公徒敗諸發難臣皆劫公以出于家羈止公不得遂孫陽州

出昭 齊侯唁公于野井

齊景將唁公而公乃就之

出昭冬十月戊辰叔孫舍卒

時叔孫昭子自闕歸責季孫意如而從公子齊與子家羈謀將歸偕意如迎公而意如語變叔孫大憤遽卒

出昭十有一月己亥宋公佐卒于曲棘

宋元公謀納公如晉而又卒于路

出昭十有二月齊侯取鄆

出昭二十六年春王正月葬宋元公

出昭三月公至自齊居于鄆

齊侯乃爲公取鄆而居之

出昭夏公圍成

且謀納公戒無受魯貨而季孫陰賂梁丘據遂不  
果納但圍成而還

出昭秋公會齊侯莒子邾子杞伯盟于鄆陵  
假爲會謀納

出昭公至自會居于郕  
而仍居于郕

出昭二十七年春公如齊公至自齊居于郕  
雖至齊何益焉

出昭秋晉士鞅宋樂祁犁衛北宮喜曹人邾人滕人會



于扈

晉乃以戊周盟扈。宋衛謀納公。固請之。而范鞅受意如賂。不許。

出賂

公如齊。公至自齊。居于鄆。

乃復至齊。而齊侯燕公。待以大夫禮。子家子掖公。而出。時孟懿子陽虎伐邾。將奪公歸。而公徒與從公者皆不欲歸。反迎而敗之。

出賂

二十八年。公如晉。次于乾侯。

公不得已。始至晉。晉不令入國。且惡公。遽入乾侯。復使公出境。俟晉迎。而後入之。辱之至矣。

二十九年春公至自乾侯居于聊齊侯使高張來  
唁公

公乃復還聊而齊景遣唁如初失國然實謂之也  
公如晉次于乾侯

因仍之乾侯

冬十月聊潰

而聊人又散無可歸矣

三十年春王正月公在乾侯

三十一年春王正月公在乾侯

乃在乾侯者二年

出胎季孫意如會晉荀躒于適歷

幸晉頃已卒。晉定初立，將興師伐意如。范鞅請名意如，而不至。然後伐之。乃密通意如，使必來。季孫乃練冠麻衣，跣伏待罪。

世晉侯使荀躒唁公于乾侯

晉侯乃先遣大夫唁公。然後使意如之。乾侯且令荀躒致命曰：寡君使躒以君命討于意如。意如不敵，逃死君其入也。子家子勸公與歸，而從亡者必不從。子家子將以乘馬挾公入魯師，而公徒又阻之。公自此不得歸矣。夫公遂季氏，季氏不遂君在。

當時原可不出。卽既出而國不立。君并不設居守。亦無有戍于境者。在公原可以徑歸。况以晉侯討。叛使弑臣待罪。徒跣親迎。而左右墜。復終以不返。則夫季之惡。公之愚。從臣之禍。國伯主強隣之各不相恤。義俱有焉。

出三十二年公在乾侯取闕

策書闕

出十有二月己未公薨于乾侯

二十有六年九月庚申楚子居卒

二十有七年

吳弑

夏四月吳弑其君僚

爲公子光所弑

楚殺其大夫卻宛

費無極譖卻宛于令尹子常而殺之既而令尹聽沈尹戌之言又殺無極

冬十月曹伯午卒

邾快來奔

邾大夫

策書闕

二十有八年 春王三月葬曹悼公

夏四月丙戌鄭伯寧卒 六月葬鄭定公

秋七月癸巳滕子寧卒 冬葬滕悼公

二十有九年 夏四月庚子叔詣卒叔輒 秋七月

三十年

夏六月庚辰晉侯去疾卒 秋八月葬晉頃公

三十有一年 夏四月丁巳薛伯穀卒 秋葬薛獻

公

冬黑肱以濫來奔邾大

十有二月辛亥朔日有食之

三十有二年

吳越構夏吳伐越四條

前五年楚靈伐吳時有越人來會師吳未報也至

是吳闔閭忽伐越以報之

吳越定五年於越入吳

越乘吳伐楚遂入吳

吳越十四年五月於越敗吳于檇李吳子光卒

吳又報伐而越勾踐禦之闔閭以敗剗而卒于軍  
吳越哀十三年於越入吳

自此吳子夫差復報父怨敗越于夫椒遂入越而  
受越成以不告未書簡也至是越又乘吳子黃池  
之會乃襲吳而入其俘亦受成而還

後十年越滅吳見簡書

秋七月

終

西河合集

蕭山毛奇齡

字大可  
又名鼎稿

文輝克有較  
遠宗姬黃

春秋條貫篇

十一

定公元年

春王三月晉人執宋仲幾于京師

諸侯城成周時宋大夫欲屬滕薛使滕薛助宋役而薛爭之仲幾以言忤晉大夫因執于京師

夏六月癸亥公之喪至自乾侯戊辰公卽位

春秋條貫篇



季孫立昭公之弟宋是爲定公

秋七月癸巳葬我君昭公

九月大雩

立煬宮

立宮者立爲不祧之室也與立武宮同其時季孫立昭公之弟而煬公爲伯禽子考公弟故特立煬宮爲立及証以爲立弟者魯立君法也兄終弟及名立及

冬十月隕霜殺菽

二年春王正月夏五月壬辰雉門及兩觀災

冬十月新作雉門及兩觀

三年春王正月公如晉至河乃復

朝晉

二月辛卯邾子穿卒夏四月秋葬邾莊公

冬仲孫何忌及邾子盟于拔

四年春王二月癸巳陳侯吳卒

晉以會滅胡三月公會劉子晉侯宋公蔡侯衛侯

陳子鄭伯許男曹伯莒子邾子顛子胡子滕子薛伯

杞伯小邾子齊國夏于召陵侵楚

見晉吳楚構兵條一貫

晉楚各有屬國晉之所屬爲魯衛宋鄭曹滕杞薛

邾莒諸國而胡沈頓陳蔡許六國專屬之楚經文

所書貽貽也特率盟搜伐純是晉事而楚並無有

惟楚靈爭伯。效晉所爲。始有昭四年會師伐吳之舉。而楚平救州來。偶一效之。遂有胡沈三君并陳大夫敗滅之禍。然猶與晉之日事搜伐。役死道路者相去尚遠。而六國愚昧。鑒州來之敗。便舍彼就此。一齊會晉。此固不知進退之所爲。然爲之晉者。彼旣與會。便當思捍衛。始終使之得所。齊桓會黃人而楚滅黃。而不能救。則管仲痛之。晉襄救江。伐而楚滅江。而不能救。則春秋譏之。此前事也。今六國之君。強使來會。且強使之伐楚。則顯然以諸國擲強楚矣。乃沈不卽至。晉先使蔡滅沈而殺其君。

固已極惡。至胡之與頓。則旋爲楚滅。而並不一救。蔡拘楚三年。請晉伐楚。因質其愛子。并大夫之子。而晉復索賂。並不一爲之興師。以致蔡復奔吳。遷徙家屬于吳。疆而國破。民散。何其慘也。然則魯衛曹鄭諸國。奔命效死。已極荼毒。而尚蕞及江漢之蠻。屬伯玉之禍。亦烈矣。此一條名陵大會。假名侵楚。而實未敢侵也。乃胡頓陳蔡許。則儼然背楚。而爲楚怨焉。

五夏四月庚辰。蔡公孫娃帥師滅沈。以沈子嘉歸。殺之。

當其時沈子不至晉使蔡人滅其國而執其君以殺之

國五許遷于容城

惟陳則畏楚而仍歸之許則遷以避之策書闕

國五楚人圍蔡

而楚則又以蔡戕其與國而圍之

國五冬十有一月庚午蔡侯以吳子及楚人戰于柏舉

楚師敗績楚囊瓦出奔鄭見晉吳楚構條

蔡乃又質一子并大夫之子于吳吳爲伐楚勝之

國五六年春王正月癸亥鄭游速帥師滅許以許男斯

乃鄭久爭許徒礙楚耳一不爲楚庇而鄭卽滅其  
綱而俘其君晉安在耶猶幸楚仍庇之而哀元年  
許復得從楚而在楚軍也

十四年二月辛巳楚公子結陳公孫佗人帥師滅  
頓以頓子辟歸

而頓則滅之而俘其君矣

十五年二月辛丑楚子滅胡以胡子豹歸

胡亦滅而俘其君而晉總不顧也

國五 哀元年楚子陳侯隋侯許男圍蔡

至于蔡則楚子又聞滅之而遷其國于江汝之間  
五二年十有一月蔡遷于州來蔡殺其大夫公子駒  
乃不安楚地陰請遷吳且以公子駒不肯遷殺之  
而哭而并遷其墳墓焉然則名陵一會師而五國  
之無不被禍有如此

四年杞伯成卒于會

然且名陵之會原有以奔命死者經文儼然也

六月葬陳惠公 秋七月公至自會

劉卷卒 也 葬杞悼公

晉士鞅衛孔圉帥師伐鮮虞 葬劉文公

五年春王三月辛亥朔日有食之

夏歸粟于蔡

策書未詳

六月丙申季孫意如卒秋七月壬子叔孫不敢卒

冬晉士鞅帥師圍鮮虞

齊鄭魯衛六年二月公侵鄭四十七

晉自襄靈繼霸以來歷文宣成襄昭五公並以齊

鄭魯衛爲屬國雖視齊較三國稍優然亦絀甚矣

至是晉霸衰齊鄭思叛晉而未發也會鄭會以子

朝之黨伐取王邑而晉惡鄭而命魯討之公乃奉



晉命伐鄭

晉叛公至自侵鄭

而還

晉叛夏季孫斯仲孫何忌如晉

使季桓子孟懿子以報聘之時兼獻鄭捷于晉

晉叛季孫斯仲孫忌帥師圍郕

而郕邑適叛魯歸齊季孟并討郕而齊還之

晉叛七年秋齊侯鄭伯盟于鹹

于是齊鄭合盟謀伐我以翦晉黨而徵會于衛

晉叛齊人執衛行人北宮結以侵衛

衛恐國人。不伏陽。使齊執衛行人。并侵衛。令衛大  
夫國人。知畏齊。而可叛晉也。

晉叛齊侯衛侯盟于沙

然後與齊盟焉。其極重難反如此。

晉叛齊國夏帥師伐我西鄙

齊乃伐我

晉叛八年春王正月公侵齊

而我報之

晉叛公至自侵齊

晉叛二月公侵齊

及歸我侵齊

晉叛三月公至自侵齊

晉叛夏齊國夏帥師伐我西鄙

而齊又報之

晉叛公會晉師于瓦

及我迎晉師請來救而晉師竟不至也

晉叛公至自瓦

晉叛晉士鞅帥侵鄭遂侵衛

反自討鄭衛之叛

晉叛季孫斯仲孫何忌帥師侵衛

又令我助之。其弟顧已而全不顧他人。

晉叛冬衛侯鄭伯盟于曲濮。

鄭衛乃深相結而思以報晉。

晉叛九年夏四月戊申鄭伯蕞卒。

晉叛六月葬鄭獻公。

會鄭獻公卒。

晉叛秋齊侯衛侯次于五氏。

衛靈乃與齊景同伐晉夷儀。次五氏而營。

晉叛十年春王三月及齊平。

方是時我以晉師不卽救。知晉不足恃。

晉叛

晉又因與國甚少故不能深入原思結好于魯適夫子由司空進司寇遂決計與齊平合拒強晉此固夫子之筆削與夫子之行事兩相合焉

夏公會齊侯于夾谷公至自夾谷

于是魯定齊景親自爲會以結之特齊魯既俱叛晉則兩國匹敵又自有大小之別是時伯主陋制大國馮伐小國必輸賦以從故齊作載書謂齊苟出兵必使魯供甲三百而夫子春秋深恨晉惡其親歷其朝則此時之平齊與叛晉皆夫子經畫中事也故夫子盟詞祇曰苟歸我侵地亦自當如數

供命。蓋晉賦既省，齊賦頓減，而又歸我侵地，則魯之悉索于此，大費。况夏之會，春之平，皆夫子從政時一大機用耶。

晉叛 晉趙鞅帥師圍衛

晉乃不敢報齊，祇報衛。五氏之役而衛不與成。

晉叛 齊人來歸郟，謹邕陰田。

齊景川忻然歸我侵地。

晉叛 秋，叔孫州仇、仲孫何忌帥師圍郟。

卽魯討郟叛，郟人侯犯以郟邑獻齊，而齊又還之。冬，齊侯衛侯鄭游速會于安甫。

于是齊衛鄭三國仍合爲謀。

叔孫州仇如齊。

而我則謝齊還地。

十一年冬及鄭盟叔還如鄭涖盟。

叔還叔詣子

并盟鄭。

十二年冬癸亥公會齊侯盟于黃。

又盟齊焉。

公至自黃。

十三年春齊侯衛侯次于垂葭。

齊侯衛侯乃遣師伐晉而二君親次垂葭以援之。

晉叛 秋晉趙鞅入于晉陽以叛

趙鞅深以爲患。將遷衛所貢五百家之在邯鄲者。實于晉陽。以絕衛往來。而邯鄲大夫趙午不卽遷。鞅遂殺趙午。而中行范氏午親也。爲午攻鞅。鞅乃據晉陽以叛。

晉叛 冬荀寅士吉射入于朝歌以叛

而韓魏又鞅黨也。復攻中行氏荀寅范氏士吉射。而二人又據朝歌以叛。

晉叛 晉趙鞅歸于晉

鞅復歸晉。罔朝歌



晉十四年公會齊侯衛侯于牽

公與齊景衛靈乃爲會以救朝歌

晉公至自會

晉秋齊侯宋公會于洮

齊更會宋景以謀救之

晉十五年齊侯衛侯次于渠蔭

乃因晉人敗荀寅于漚之際遣師往救而次渠蔭  
以待之會定公初卒我不會師策書誤

晉哀元年秋齊侯衛侯伐晉

至哀公新立而齊景衛靈會于乾侯以伐晉我乃

遺師及齊師與衛孔戣鮮虞人伐晉取棘蒲焉

放

二年晉趙鞅帥師納衛世子蒯聵于戚

晉仍不敢報齊但乘衛靈初卒公輒初立之際其

世子蒯聵所以得罪奔宋者今用陽虎計虎以叛

帥師納聵而據戚以叛不惟伐喪兼令衛父

子構兵為衛大患晉之無能而惡又如此

秋八月甲戌晉趙鞅帥師及鄭罕達帥師戰于鐵

鄭師取績

是時齊魯衛三國伐晉而鄭則輸粟朝歌以救范

氏適趙鞅納聵之師相遇于鐵鄭師擊鞅中肩已

斃車中而賸執戈以救鞅鄭師反敗

晉叛三年春齊國夏衛石曼姑帥師圍戚

齊乃同衛師圍戚討賸以報鉞之役

世以爲野拒父非也

晉叛五年晉趙鞅帥師伐衛

會范中行氏山朝歌奔邯鄲而鞅復圍之齊衛救邯鄲不得仍伐晉取晉邢任等八邑而納荀寅于柏人鞅仍不敢伐齊而弟伐衛以報之

晉叛七年晉魏曼多帥師侵衛

復侵之然無如衛何

晉叛十年晉趙鞅帥師侵齊

會齊景公卒公子陽生弑立之後加之吳人伐齊  
齊國大亂晉乃景長乘亂一報齊伐

晉十四年晉魏多帥師侵衛

再報衛伐而晉之衰諸國之叛晉于此終焉夫子  
歷記之蓋深著五霸之罪而諸國之徒抱憤而不  
自立皆可鑒也其後魯史簡書尚載趙鞅伐衛二  
條而無策書惟晉策書則仍載知伯伐齊齊鄭諸  
國徵會報伐之事見左傳末然已駸駸有七國之  
勢非春秋矣

晉六卿相滅三卿分晉之始

六年秋晉人執宋行人樂祁犁

三條一貫

晉六卿者韓魏趙與知范中行氏也初有八卿韓起魏絳趙武爲韓魏趙知罃士句荀偃爲知范中行氏又有士魴欒黶二卿爲八卿而士魴士句同是范氏欒黶族滅故祇存六卿而其後范中行爲知所滅知又爲韓魏趙所滅祇存三卿而戰國以後遂分晉而爲諸侯焉是時諸國叛晉惟宋未叛故宋君臣謀使晉以樂祁犁爲行人稍爲鞿廩而六卿是時有角立之勢范鞅惡祁犁之至趙鞅也遂執祁犁則趙與范分矣

十三年狄晉趙鞅入于晉陽以叛

見叛晉條

孫有費叔孫有郈孟孫有成而旣而宰臣皆據邑以叛侯犯據郈南蒯公山不狝據費公歛處父據成家邑從此多事矣夫子爲政先墮三都雖所以救家患實則家無藏甲大夫無百里之城正強國所有事也墮郈者先墮叔孫氏之邑也

季孫斯仲孫何忌帥師墮費

此墮季氏費邑也仲山謀墮費費宰公山不狝叔孫輒帥費人以襲魯公與三子入季氏之宮登臺費人攻者及臺側孔子命申句須樂頎下臺而伐之費人走國人追之敗諸姑蔑而不狝與輒皆奔

齊遂墮費

子孔

十有二月公圍成。公至自圍成。

至孟氏之邑曰成。原與齊界。若墮成則齊人必至。北門是魯無保障也。故圍成弗克。而夫子已之。其後魯簡書在哀十五年。卽載成叛歸齊事。賴子服景伯子貢說齊得還。則成界強齊勢不可墮。經並書墮以墮者。邇命不墮者私志也。此又義也。

十年叔孫州仇仲孫何忌帥師圍郕

郕馬王侯犯

費

秋叔孫州仇仲孫何忌帥師圍郕

見叛晉條再

宋大夫公

子出奔 宋樂大心出奔曹

六條

樂祁犁之子告樂大心作亂故出奔

宋 宋公子地出奔

宋公弟與向魍惡出奔

宋 宋公之弟辰暨仲佗石彊出奔陳

以公子地之黨且惡向魍出奔

宋 十一年宋公之弟辰及仲佗石彊公子地自陳入

于蕭以叛

策書闕

宋 秋樂大心自曹入于蕭



策書闕

宋十四年宋公之弟辰自蕭來奔

策書闕

十有一年 夏四月

十有二年 春薛伯定卒夏莖薛襄公

衛代

衛公孟彊帥師伐曹

二條

策書未詳

曹代十三年衛公孟彊帥師伐曹

策書闕

十二年秋大雩 十有一月丙寅朔日有食之

十有三年 夏築蛇淵囿 大蒐于比蒲

薛弒其君比

策書未詳

十有四年

衛國春衛公叔戌來奔 三條

公叔戌公叔文子子也以富故且惡于南子出奔

衛衛趙陽出奔宋 戌黨

衛夏衛北宮結來奔

天天子使石尚來歸賑

策書闕

衛世子

衛世子蒯聩出奔宋

二條一貫

衛靈公世子以得罪于夫人南子出奔

衛

出衛公孟彊出奔鄭

贖

大蒐于比蒲 邾子來會公

策書闕

城莒父及霄

十有五年 春王正月 邾子來朝

麇鼠食郊牛牛死改卜牛 夏五月辛亥郊

壬申公薨于高寢

鄭罕達帥師伐宋

策書未詳

邾子來奔喪

秋七月壬申姬氏卒

策書不詳何人

八月庚辰朔日有食之

九月滕子來會葬

丁巳葬我君定公雨不克葬戊午日下昃乃克葬

辛巳葬定姒 冬城漆

哀公

元年 春王正月公卽位

蔡遷楚

楚子陳侯隨侯許男圍蔡

七條

蔡請吳伐楚在定四年而楚乃報之圍蔡而滅其國使遷于江汝之間蔡侯懼陰請遷于吳

蔡遷

二年十有一月蔡遷于州來蔡殺其大夫公子駟而吳師遂逼遷之乃以公子駟不欲遷殺之而吳而遷其墳墓于州來

蔡遷

三年蔡人放其大夫公孫獵于吳

且又放公子駟之子而策書未之詳也

蔡遷

四年春王二月庚戌盜殺蔡侯申

至是蔡侯將之吳諸大夫恐其又遷也公孫翩遂

道弑蔡侯如盜然而大夫文之錯討盜殺翩

蔡公孫辰出奔吳

夏蔡殺其大夫公孫娃公孫雀

于是盜黨有奔者有受誅者

冬十有二月葬蔡昭公

然後君得葬焉嗟乎乃爾

六年虺鼠食郊牛改卜牛夏四月辛卯郊

冬仲孫何忌帥師伐邾九條

定公薨時邾子來奔喪今忽伐之不可解策書闕

二年春王二月季孫斯叔孫州仇仲孫何忌帥師

伐邾取漚東田及沂西田

且三家共伐之而取其田何也策書未詳

邾癸巳叔孫州仇仲孫何忌及邾子盟于句繹

三家同在師而盟不及季孫亦不可解策書未詳

邾叔孫州仇仲孫何忌帥師圍邾

策書闕

邾六年冬仲孫何忌帥師伐邾

策書闕

邾七年秋公伐邾八月己酉入邾以邾子益來

前經五伐今六伐矣且公又親往則或利其地或

惡其事必有所由而策書總不知也此但述子服景伯沮伐之語與邾大夫茅夷鴻請救于吳之事則當是此經策書不失耳據此經我入其國而俘其君而策書則云獻于亳社因諸負瑕則似有意滅其國者其未滅以吳救故也然則魯亦無道矣

邾

八年吳伐我

邾大夫茅夷鴻請吳救且曰魯賦八百乘可與吳敵邾賦六百乘卽吳屬矣吳遂伐我幸吳不得志但求成于魯而去

邾

歸邾子益于邾



我乃釋邾子歸邾而吳不知何故反使太宰嚭討邾囚邾子于樓臺以棘繞之而使其子邾桓公爲政策書仍未詳也

邾十年春王二月邾子益來奔

越二年而邾子來奔向之爲我俘者今復奔我總

不可解

越傳又云奔齊其後奔越越人納之見簡書

晉納二年夏四月丙子衛侯元卒

五條一貫

前定十四年衛世子蒯聩已奔宋矣至是衛靈卒夫人欲立公子郢而郢辭之乃立蒯聩之子輒

蒯晉趙鞅帥師納衛世子蒯聩于戚

見叛晉條

而晉怒衛靈叛晉謀伐衛喪因乘靈未葬而納賸于戚在晉固無道而賸未嘗有先君之命令令還國然且父死不葬爰及于戈則不子矣

秋八月甲戌晉趙鞅帥師及鄭罕達帥師戰于鐵

鄭師敗績

見叛晉條

時晉范中行氏以叛奔朝歌正值齊衛鄭叛晉之際故三國共戍朝歌而賸乃合趙鞅兵敗齊鄭師冬十月葬衛靈公

三年春齊國夏衛石曼姑帥師圍戚

見叛晉條

是齊師圍賸本屬報伐

公羊稱伯討胡氏稱輒靈皆誤衛師圍戚

亦半屬拒晉穀梁稱以子而輒以新君而與乎其

間一似茫然不知有父之在戚者報贖禦鞅總成

拒父則不子矣故曰春秋成而亂臣賊子懼此俱

賊子也其後贖之入見簡書在哀十四年贖之弑見策

書在十四年而輒則一出一入而終死于越春秋垂戒

豈遠乎

二年滕子來朝

三年夏四月甲午地震五月辛卯桓宮僖宮災

季孫斯叔孫州仇帥師城啟陽

備音也

秋七月丙子季孫斯卒冬十月癸卯秦伯卒

四年 葬秦惠公

宋人執小邾子

策書闕

晉人執戎蠻子赤歸于楚

晉爲楚執蠻以悅楚

城西郭 六月辛丑亳社災

秋八月甲寅滕子結卒 葬滕頃公

五年 春城毗

夏齊侯伐宋

策書闕

齊陳氏弒立 秋九月癸酉齊侯杵臼卒

四條一貫

齊景無適子愛少子荼而使國夏高張立之

弒閏月葬齊景公

弒六年夏齊國夏及高張來奔

齊大夫陳乞將謀弒立先與鮑牧諸大夫謀去國  
高二氏而二氏來奔

弒齊陽生入于齊齊陳乞弒其君荼

陳乞乃召公子陽生于魯脅鮑牧共立之而弒荼  
焉陳氏將移齊而世爲弒逆如此

五年冬叔孫還如齊

會葬景公也

六年春城邾瑕 晉趙鞅帥師伐鮮虞

吳伐陳

報圍蔡也

吳魯盟會六年叔還會吳于柎

六條一貫

策書闕

魯吳七年夏會吳于郟

策書不詳

魯吳十二年公會吳于橐臯

此吳召會也策書不詳

魯吳秋公會衛侯宋皇瑗于鄭

吳召會也

魯吳十三年公會晉侯及吳子于黃池

見晉吳楚條

吳會晉而我與焉

魯吳秋公至自會

六年秋七月庚寅楚子軫卒

宋鄭七年春宋皇瑗帥師侵鄭策書有誤六條一貫

宋鄭宋皇瑗帥師取鄭師于雍丘策書有誤

宋鄭九年秋宋公伐鄭策書有誤

宋鄭十年宋人伐鄭策書有誤

宋鄭十二年宋向巢帥師伐鄭策書有誤

宋鄭十三年春鄭罕達帥師取宋師于岳策書有誤

七年冬鄭駟弘帥師救曹宋人圍曹時鄭救之

吳伐我八年吳伐我以邾邾來伐

見戊邾邾條

齊魯齊人取謹及鬪七條一貫

初齊公子陽生奔魯時季康子以妹妻之及陽生  
弑荼而立卽來取女魯疑女有他行不敢與也齊  
侯遂帥師伐我取二邑去

齊齊人歸謹及鬪

我乃與之平歸季姬于齊而齊侯嬖之還二邑焉  
十年公會吳伐齊三月戊戌齊侯陽生卒

值吳子欲會齊伐我而齊辭之吳子怒因召我會  
師伐齊而齊人遽弑齊侯陽生以悅吳此不知何



人所謀且孰爲弑之而策書仍未詳也

齊魯五月公至自伐齊

齊魯葬齊悼公

齊魯十一年春齊國書帥師伐我

及齊簡公立而修怨于我幸冉有以季氏之甲并  
已徒卒與戰于郊獲齊甲首八十而齊師遂遁

齊魯五月公會吳伐齊甲戌齊國書帥師及吳戰于艾  
陵齊師敗績獲齊國書

及夏而公復會吳師報郊之戰乃敗齊師獲國書  
等五人及革車八百乘甲首三千而于是終春秋

之世無搆報焉。其後魯與齊平。子服景伯與子貢特使齊而爲之成之。見簡書策書。

八年 秋七月 冬十有二月癸亥杞伯過卒

九年 春王二月葬杞僖公

楚吳爭陳夏楚人伐陳

三條

吳與楚爭陳。前六年吳伐陳。陳成于吳。故楚伐之。十年冬楚公子結帥師伐陳。

陳吳救陳

及楚使公子結再伐而吳遣延州來季子救陳。季子謂結曰：「二君不務德而力爭，諸侯民何罪焉？我

請退以爲子名務德而安民乃還此數語極中春秋交爭與國之病非季子不能爲是言然季子讓國在襄十二年計其齒當近百歲恐不能帥師且其人自聘魯後不見行事卽以夫差之狂逞而宗臣耆老並鮮匡救區區此語不發于受賑之時而發于交綏之際吾猶以爲非延陵嘉言矣凡此皆當闕之以俟知者

九年冬十月

十年 衛公孟軻自齊歸于衛

薛伯夷卒 秋葬薛惠公

十有一年 夏陳轅頗出奔鄭

以贖貨見逐

秋七月辛酉滕子處母卒 冬十有一月葬滕隱公

衛世叔齊出奔宋

即大叔疾也 孔文子奪其妻歸奔

十有二年 春川田賦 夏五月甲辰孟子卒

昭公夫人

冬十有二月螽

十有三年 夏許男成卒

楚公子申帥師伐陳

策書闕

蔡許元公 九月螽 冬十有一月有星孛于東方

盜殺陳夏區夫

策書闕

十有二月

彘

十有四年

春西狩獲麟